

Harohan Rosáriu ho Beata Eusebia Palomino

Introdusaun: Ohin ita selebra beata Eusebia Palomino Yenes (1899-1935), ne'ebé hodi fó ezemplu boot haraik-an nian no hodi evita loko-an hotu, hatudu espíritu sakrifísiu nian iha knaar sira ne'ebé ki'ik liu, hodi nune'e merese don sira grasa nian. Irmán Eusebia iha devosaun ba Jezús nia futar kanek sira no via-sakra, sakramentu Eukaristia no konfiansa boot ba Maria Virjen, to'o promove devosaun "Atan Maria nian".



Ninia insisténsia ba habelar devosaun ne'e to'o mós iha Madre Jerál, Madre Luisa Vaschetti, ne'ebé husu tanba sá presiza sai «Maria nia atan» no la to'o sai «nia oan sira». Eusebia hatán liuhusi surat, ho simplisidade no sabedoria ema haraik-an sira-nian, motivu kona-ba beleza maneira saran-an ba Maria ida-ne'e atu to'o ba Jezús:

Eskravidaun la'ós hapara sai oan-feto, hanesan ema barak hanoin, maibé sai oan-feto di'ak liu ba ita-nia Inan di'ak Maria Auxiliadora. Atu sai Maria nia atan la to'o konsagra an nu'udar relijioza ba ninia servisu, maibé ezije liután husi klamar ida ne'ebé hakarak konsagra ho modu ne'e ba Maria. [...] Klamar ne'ebé konsagra an ba Maria nu'udar atan domin nian, rekoñe nia an ki'ik liu, laho kbiit atu mesa-mesak rai didi'ak rikusoin [ninia hahalok di'ak sira] no ta'uk hetan na'ok ka lakon iha dalan klaran, no tan ne'e buka ema ne'ebé bele rai nian no nia buka Maria! Nia bá ho simplisidade tomak iha nia ilas nia oin no bá Jezús sakramentadu ho liafuan sira-ne'e eh hanesan ne'e: «Husi ohin, ha'u Inan, ha'u husik iha ita liman ba nafatinha'u-nia obra di'ak pasadu, presente no futuro nia valór, hodi fó direitu tomak atu uza nu'udar ita hakarak, hodi la rezerva mai ha'u nein valór daun-oan ida nian, hodi rai de'it mai ha'u ksolok no glória serví ita nu'udar atan domin nian iha loron hotu moris ne'e nian».[...] No tanba Maria la rai buat ida ba nia husi buat hotu ne'ebé ita oferese ba nia maibé lori ba Jezús, nune'e mak Atan sira manán rikusoin boot liu liuhusi Maria, ne'ebé purifika sira-nia hahalok di'ak no halo sai dignu atu apresenta ba nia Oan, to'o pontu bele uza, ba klamar sira iha purgatóriu eh ba sala-na'in sira maski ita la dehan buat ida [...].

Liuhusi rozáriu ne'e, Eusebia no Maria bele halo ita sai "atan folin-laek" sira iha mundu nia hanoin maibé boot iha Maromak nia matan.

MISTÉRIU DOLOROZU

1. Jezús harohan iha to'os Oliveiras

"Klamar ida laho orasaun hanesan jardín ida laho bee, hanesan ahi-matan ida laho ahi, hanesan roo-ahi ida laho diresaun."

2. Ema baku Jezús ne'ebé kesi metin ba koluna.

"Buat hotu ita halo ba na'i-lulik sira, ne'ebé foti Maromak nia fatin iha rai, ita halo ba Maromak rasik. Se ita hadomi no respeita sira, ita hadomi no respeita Maromak. Se ita despreza sira, ita despreza Maromak."

3. Ema tau koroa ai-tarak nian ba Na'i nia ulun

"Ha'u labele moris laho ha'u-nia Jezús, laho ha'u-nia Maromak: tanba iha Nia ha'u hetan kbiit atu manán tentasaun husi aat no suporta ho serenidade no domin sofrimentu sira moris nian."

4. Na'i lori krús iha nia kabaaas tuir dalan ba Kalváriu

"Ita hadomi maka'as ema kiak sira no ita halo buat hotu ita bele atu tulun sira iha sira-nia tterus no laran-susar sira, hodi hatene katak buat hotu ita halo ba sira, Maromak simu nu'udar halo ba Nia rasik."

5. Na'i nia krusifiksaun no mate

"Mai, Jezús, keta kleur tan, atu mundu tomak bele nakonu ho ahi ita-nia domin nian no lakan to'o iha profundo liu."